



## Kuufikia Ukamilifu

**B**asi ninyi mtakuwa wakamilifu, kama Baba yenu wa mbinguni alivyo mkamilifu.—**Mathayo 5:48.**

Mungu anakusudia kwamba uboreshaji uwe kazi ya maisha ya wafuasi Wake wote na kwamba utaongozwa na kudhibitiwa na uzoefu sahihi. Mwanamume wa kweli ni yule ambaye yuko tayari kutoa kafara maslahi yake mwenyewe kwa ajili ya faida ya wengine na anayejizoeza kuwaunganisha waliovunjika moyo. Kusudi la kweli la maisha halijaanza kueleweka kwa wengi....

Akili peke yake haiwezi kumfanya mtu, kufikia kiwango cha mbinguni. Kuna nguvu katika akili ikiwa itatakaswa na kutawaliwa na Roho wa Mungu. Ni bora kuliko utajiri na nguvu za kimwili, lakini ni lazima ielimishwe na kuadilishwa ili kumkamilisha mwanadamu....

Kile ambacho kitaibariki jamii ya wanadamu ni maisha ya kiroho. Ikiwa mwanadamu anapatana na Mungu, atamtegemea Yeye kabisa ili kupata nguvu. "Basi ninyi mtakuwa wakamilifu, kama Baba yenu wa mbinguni alivyo mkamilifu." Ni kazi yetu maishani kuweza kufikia ukamilifu wa tabia ya Kristo, tukidumu kujitahidi kupatana na mapenzi ya Mungu. Juhudi zilizoanzia duniani zitaendelea hata milele. Kiwango cha Mungu cha mwanadamu kimeinuliwa hadi kwenye maana ya juu zaidi ya neno hilo, na ikiwa atatenda kulingana na utu uzima aliopewa na Mungu atakuza furaha katika maisha haya, ambayo yataongoza kwenye utukufu na thawabu ya milele katika maisha yajayo.

Washiriki wa familia ya kibinadamu wana haki ya kupata jina la wanaume na wanawake pale tu wanapotumia vipaji vyao, kwa kila njia iwezekanayo, kwa ajili ya manufaa ya wengine. Maisha ya Yesu yako mbele yetu kama kielelezo, na ni mpaka tutakapotoa hudumu, kama malaika wa rehema, kwa mahitaji ya wengine ndipo mwanadamu anashirikiana kwa karibu sana na Mungu. Ni asili ya Ukristo kuunda familia zenye furaha na jamii yenye furaha. Kutokuelewana, ubinafsi, na ugomvi vitawekwa mbali na kila mwanamume na mwanamke aliye na roho ya kweli ya Kristo.

Wale ambao ni washirika wa upendo wa Yesu hawana haki ya kufikiri kwamba kuna ukomo katika mvuto na kazi yao katika kujaribu kuwafaidisha wanadamu. Je! Yesu alichoka katika juhudi Zake kumwokoia mwanadamu aliyeasi? Kazi yetu inapaswa kuwa endelevu na ya ustahimilivu. Tutakuwa na kazi ya kufanya mpaka pale Bwana atakapotusihi kuweka silaha zetu miguuni Pake. Mungu ni mtawala wa maadili, na ni lazima tungojee, tukiwa watiifu kwa mapenzi Yake, tukiwa tayari na kuhiari kutimiza wajibu wetu wakati wowote kazi inapohitajika kufanywa (Testimonies For The Church 4:519, 520).

Mwokozi wetu alichukua uhusiano wa kweli wa mwanadamu kamā Mwana wa Mungu. Tu wana na binti za Mungu.... Tunalazimika kufuata mahali ambapo Yesu anaongoza njia. Kwa miaka 30 Aliishi maisha ya mtu mkamilifu, akifikia kiwango cha juu kabisa cha ukamilifu (The S.D.A. Bible Commentary, Ellen G. White Comments, vol. 5, 1085, 1086).